



Broj: 17/09
Sarajevo, 13.05.2009 god.

Dekanima Fakulteta i Akademija na Univerzitetu u Sarajevu

Predmet: Informacija o odluci zaposlenih na šesnaest Fakulteta i Akademija Univerziteta u Sarajevu da stupe u generalni štrajk dana 10.06.2009 god. u 9 sati

Poštovane dekanese i dekani,

Izražavam poštovanje prema Vama lično i instituciji koju zastupate!

Centralni odbora Sindikata Univerziteta u Sarajevu usvojio je odluku o početku generalnog štrajka na šesnaest Fakulteta i Akademija dana 10.06.2009 god. u 9 sati.

Štrajk će se odvijati na Mašinskom fakultetu, Elektrotehničkom fakultetu, Fakultetu za saobraćaj i komunikacije, Fakultetu kriminalističkih nauka, Fakultetu političkih nauka, Poljoprivrednom i prehrambenom fakultetu, Šumarskom fakultetu, Pedagoškom fakultetu, Veterinarskom fakultetu, Stomatološkom fakultetu, Fakultetu zdravstvenih studija, Farmaceutskom fakultetu, Medicinskom fakultetu, Akademiji likovnih umjetnosti, Muzičkoj akademiji i Akademiji scenskih umjetnosti.

Ličnim izjašnjavanjem, velika većina zaposlenih (od 65% pa do 95%) pokazala je da jedino sredstvo za promjenu statusa zaposlenih na Univerzitetu u Sarajevu je štrajk.

Za vrijeme štrajka se neće odvijati ispitni rokovi i prijemni ispiti za studente. Po završetku štrajka će se izvršiti nadoknada propuštenih ispitnih rokova i organizirati prijemni ispiti.

Razlozi za pribjegavanje štrajku, kao metodu za ostvarivanje naših prava, je da ne postoji želja Vlade Kantona Sarajevo i Ministarstva obrazovanja i nauke za uspostavljanje dijaloga razuma i povjerenja. Na sve naše dosadašnje napore za uspostavljanje dijaloga, Vlada Kantona Sarajevo i Ministarstvo obrazovanja i nauke jednostavno nije željelo da odgovori pismeno.

Početak štrajka je izabran kao datum kada da na svim visokoškolskim institucijama Univerziteta u Sarajevu bi trebala da bude završena nastava.

Drage kolege, kao članovi Senata Univerziteta u Sarajevu ste bili učesnici zajedničkog sastanka Senata sa Ministrom za obrazovanje i nauku i njegovim tima koji se održao prije tri sedmice.

Da li je realiziran zahtjev Senata Univerziteta u Sarajevu da se održi razgovor sa predstavnicima Vlade Kantona Sarajevo o statusu Univerziteta u Sarajevu i posljedicama umanjenja budžetskih sredstava za funkcioniranje Univerziteta?

Mi želimo promjene stanja na Univerzitetu, dok Vlada Kantona Sarajevo ne želi u dijalog o statusu zaposlenih na Univerzitetu.

U skladu sa Zakonom o štrajku pokrenuli smo proces mjesec dana prije početka štrajka. Mi smo otvoreni za dijalog i naši zahtjevi nisu nerealni.

Molimo vas za razumijevanje, ali isto tako želimo upozoriti da smo dobili prijave članova Sindikata Univerziteta u Sarajevu da se na pojedinim Fakultetima i Akademijama vrše određeni



Univerzitet u Sarajevu
Sindikat Univerziteta u Sarajevu
Wilsonovo šetaliste 9
71000 Sarajevo
Bosna i Hercegovina

Telefon: ++ 387 33 663 140
Fax: ++ 387 33 653 055
Web strana: www.sunsa.ba
e-mail: sindikat@sunsa.ba i
sindikat_unsa@mef.unsa.ba

pritisci na njih u smislu odustajanja od štrajka. Štrajk na Univerzitetu u Sarajevu može da zabrani samo sud i sve druge aktivnosti su protiv zakonite.

Mi smo pokrenuli proces ka angažiranju grupe advokata za zaštitu akademskih sloboda izražavanja i slobode misli zaposlenih na Univerzitetu u Sarajevu. Istovremeno smo pokrenuli aktivnost da dobijemo podršku od Sindikata određenog broja Univerziteta u Francuskoj, Njemačkoj i Britaniji.

Imamo osjećaj da postoje određene grupe ljudi na Univerzitetu u Sarajevu koji žele jednu legalnu aktivnost nastavnika, asistenata i administrativnog osoblja da predstave kao destruktivnu aktivnost i da pokušavaju da izazovu sukobe između nastavnog osoblja i studenta.

Mi nećemo prihvatiti takva nastojanja, znamo ko su nosioci tih aktivnosti, prikupljamo izjave pojedinaca i pokrenut ćemo zakonske mjere da se spriječe aktivnostima i obavijestit ćemo javnost.

Kolegice i kolege,

Jedino organizirano djelovanje Sindikata Univerziteta u Sarajevu, dalje jačanje Nastavno-naučnih vijeća visokoškolskih institucija, naučnih katedri na visokoškolskim institucijama, borbom za autonomiju svakog segmenta Univerziteta u Sarajevu, uspostavljanja razumnog dijaloga između rektorata i dekana sa Osnovnim organizacijama sindikata i Centralnim odborom Sindikata Univerziteta u Sarajevu možemo očekivati da narednih mjeseci i godina vratimo ponovo dignitet zaposlenih na Univerzitetu u Sarajevu.

Sindikat Univerziteta u Sarajevu ne ugrožava poziciju Univerziteta u Sarajevu u društvu i Kantonu Sarajevu, već ima prvenstven zadatak da sačuva tradiciju Univerziteta u moralnom, statusnom i naučnom smislu.

Naše stavove o aktivnostima koje su poduzete u vezi vraćanja digniteta zaposlenih na Univerzitetu u Sarajevu možete pratiti na web strani www.sunsa.ba

Primite izraze poštovanja članova Centralnog odbora Sindikata Univerziteta u Sarajevu.

Predsjednik Sindikata Univerziteta u Sarajevu

Prof. dr Berko Zečević